

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- सरकार नै पैहली जून थमां उत्तर रेलवे तैहत्त जम्मू गी इक नमें रेल डिवीजन दे तौर पर अधिसूचित करी दित्ता ऐ। एह्दा सदर दफ्तर जम्मू तवी स्टेशन होग।
- सेना प्रमुख होरें सुदरबनी सेक्टर च परिचालन तैआरिएं दा जायजा लैता ऐ। उनें आपरेशन सिंदूर च जवानें दी भूमका दी तरीफ कीती ऐ।
- स्मूलवे जम्मू संभाग च जिला प्रशासन नै अज्ज होने आले सिविल रक्षा मॉक ड्रिल अभ्यास लेई दिशा निर्देश जारी कीते न।
- रियासी जिले नै खरे शासन सरबंधी सूचकांक 4.0 च रिकार्ड स्तरै पर सुधार कीता ऐ। जिले नै जम्मू कश्मीर च 5मीं थाहर हासल कीती ऐ।
- सेनियर आईएएस अधिकारी संजीव वर्मा होरें गी जम्मू कश्मीर दा मुख्य चुनां अधिकारी नियुक्त कीता गेआ ऐ।

<><><><><><>

Jammu Rail Division

रेल मंत्रालय नै घोषणा कीती ऐ जे जम्मू इक नमां रेल डिवीजन बनी जाग जेह्दा सदर मकाम 1 जून 2025 थमां उत्तर रेलवे दे तैहत्त जम्मू तवी च होग। एह् नमीं डिवीजन फिरोजपुर डिवीजन थमां बनाया गेआ ऐ ते एह्दे ६ पठानकोट-जम्मू-श्रीनगर-बारामुला जनेह् महत्वपूर्ण रूट शामिल न। एह् घोषणा 29 मई गी इक गैजेटड अधिसूचना दे राएं कीती गई ही ते 6 जनवरी गी प्रधानमंत्री नरेन्द्र मोदी होरें इस डिवीजन दा वर्चुअल रूपै कन्नै उद्घाटन कीता हा। फिरोजपुर डिवीजन दे अधिकार खेत्तर गी इस फैसले दे बाद नमें सिरे कन्नै संशोधित कीता गेआ ऐ। नमें जम्मू डिवीजन ते फिरोजपुर डिवीजन दे निच्वलियां सीमां जलंधर-पठानकोट सेक्शन ते अमृतसर-पठानकोट सेक्शन पर पर स्थित होंगन।

<><><><><><>

Army Chief

सेना प्रमुख जनरल उपेन्द्र द्विवेदी होरें कल जम्मू कश्मीर च सुंदरबनी सेक्टर दे अगेत्रे इलाकें दा दौरा लाया ते परिचालन मुत्तलक तैआरिएं दा जायजा लैता। इस दरान कमांडरें उनेंगी सुरक्षा हालात ते कब्जा रेखा कोल परिचालन गतिशीलता बारे जानकारी दित्ती। जवानें कन्नै गल्लबात करदे होई सेना प्रमुख होरें आपरेशन सिंदूर च उंदे प्रदर्शन दी तरीफ कीती। सेना प्रमुख होरें उंदी पेशेवाराना म्हारत ते उंदे समर्पण दी बी सराहना कीती। उनें लगातार तेजी कन्नै विकसित होआ करदे सुरक्षा सरबंधी माहौल च चुस्त रौहने, लगातार निगरानी रखने, तैआरिएं, संस्थागत लचीलापन दी जरूरत पर जोर पाया तां जे इलाके च उबड़ा करदिएं चुनौतिएं कन्नै असरदार ढंगे कन्ने निबड़ेआ जाई सकै।

<><><><><><>

Mock Drill Jammu

सार्वजनिक सुरक्षा ते आपात तैआरिएं च बाद्धा करने दी कोशशें दे हिस्से दे तौर पर समूलचे जम्मू संभाग च जिला प्रशासन नै आपरेशन शील्ड तैहत सिविल सुरक्षा अभ्यास लेई दिशा निर्देश जारी कीते न। एह अभ्यास अज्ज यानि 31 मई गी रातीं 8 बजे कोला लेइयै सवा 8 बजे तोड़ी ब्लैक आउट कीता जाग। समूलचे संभाग च 15एं मिंटें लेई मॉक ब्लैक आउट अभ्यास कीता जाग। रातीं 8 बजे साइरन बनजे दी आवाज औने मगरा लोकें गी अपने घरे दियां बत्तियां बंद करी देनियां होंगन, पर्दे चाढ़ी देने होंगन ते अपनी गतिविधिएं गी रोक़ी देना होग। इस बारे होर जानकारी दिंदे होई डोडा दे डिप्टी कमीशनर हरविंदर सिंह होरें आखेआ.....
बाईट

<><><><><><>

Viksit Krishi Ramban

रामबन जिले दे बटोत ब्लाक दे चुंपा, धर्मूड ते लधवाल पंचैत च 15एं दिनें तोड़ी चलने आले विकसित कृषि संकल्प अभियान दी शुरूआत होई। एहदा मकसद करसानें गी अज्जै कल्लै दी तकनीकें राएं जागरूक बनाना ऐ। कृषि विज्ञान केन्द्र आस्सेआ लोआए गेदे कैपें च राई-बाई ते सरबंधत मैहकमे दे साइंसदान ते अधिकारी शामिल होए। उनें करसानें गी राई-बाई मुत्तलक आधुनिक तकनीकें ते कुदरती ढंगे कन्नै राई-बाई करने बारे जानकारी दित्ती। करसानें गी सिखलाई लेई साहित्य बी दित्ता गेआ। इस मौके पर बोलदे होई कृषि विज्ञान केन्द्र रामबन दे वैज्ञानिक डॉ. राजकुमार होरें आखेआ.....

इक मकामी करसान ललिता देवी होरें नमें ज्ञान कन्नै करसानें गी बाख्तेयार बनाने दी पैहलकदमी दी तरीफ करदे होई आखेआ.....

<><><><><><><

Summer Vacation

जम्मू कश्मीर च केन्द्र शासत प्रदेश सरकार दे उच्च शिक्षा मैह्कमे नै शुक्रवार गी डिग्री कालेजें च सोए दिएं छुट्टिएं दी घोषणा कीती। आकाशवाणी जम्मू संवाददाता दी रिपोर्ट मूजब इक अधिकारिक हुक्म मताबक जम्मू खित्ते दे सोए दे जोन च स्थित डिग्री कालेजें च 1 जून शा 45एं दिनें तगर चलने आली गर्मिएं दी छुट्टियां होंगन। इस बिच्च कश्मीर ते जम्मू दवै खित्ते दे स्याले आले खेत्तरें दे डिग्री कालेजें च 15 जुलाई, 2025 कोला नौ दिनें दियां सोए दियां छुट्टियां होंगन।

<><><><><><><>

Reasi Govt. Index

रियासी जिले नै खरे शासन च बड़ा बेहतर प्रदर्शन कीता ऐ। जिला खरे शासन मुत्तलक सूचकांक च इस जिले दे 20मीं थहर थमां 5मीं थहर हासल करी लैती ऐ ते जम्मू कश्मीर दे सब्बने जिलें कोला मता सुधार कीता ऐ। रियासी जिले नै नागरिक केन्द्रत शासन च बी पैहली थाहर हासल कीती ऐ। एहदे कन्नै जिले च पारदर्शता पर मता ध्यान देने, सेवा पजाने ते लोकें दे भरोसे दा पता लंझा ऐ। जिले नै 10एं मुख्य क्षेत्रेंच 1 8एं च प्रगति कीती ऐ। इंदे च मनुक्खी साधनें दा विकास ते वित्त समावेश शामिल ऐ। प्रशासन नै अधिकारिए, अगेत्रे कम्मगारें ते नागरिकें गी एहदा श्रेय दित्ता ऐ।

<><><><><><><>

CEO

वरिष्ठ आईएएस अधिकारी संजीव वर्मा होरें गी जम्मू कश्मीर दा मुख्य चुनां अधिकारी नियुक्त कीता गेआ ऐ। आकाशवाणी जम्मू संवाददाता नै दस्सेआ ऐ जे एजीएमयूटी काडर दे 2001 बैच दे आईएएस अधिकारी संजीव वर्म होर इसलै समाज कल्याण मैह्कमे दे आयुक्त सचिव दे रूपै च कम्म करा दे न। ओह पैहले जम्मू दे डिवीजनल कमीशनर ते आम प्रशासनिक मैह्कमे दे आयुक्त सचिव सनें केई होर प्रमुख औहदे पर रेह न।

<><><><><><><>

Young Minds

एरुडाइट यंग माइंड्स समिट 2025 दा उद्घाटन कल जम्मू दे शेमफोर्ड फ्यूचरिस्टिक स्कूल च कीता गेआ। किताब कलाम फाउंडेशन दे सैह्योग कन्नै आयोजन इक कार्यक्रम च भारत दी पैहली महिला आईपीएस अधिकारी ते पुदुचेरी दी साबका उपराज्यपाल डॉ. किरण बेदी मुख्ख परौहने दे रूपै च शामिल हियां। इस सम्मेलन च तकरीबन 1400 विद्यार्थी हिस्सा लै'रदे न। इस बारे आकाशवाणी समाचार कन्नै गल्ल करदे होई एरुडाइट यंग माइंड्स कनकलेव-2025 दे संस्थापक गुरमीत सिंह होरें आखेआ.....

<><><><><><>

IPL

आईपीएल क्रिकेट च कल रातीं चंडीगढ़ दे महाराजा यादवेन्द्रसिंह अंतर्राष्ट्रीय क्रिकेट स्टेडियम च एलीमिनेटर मकाबले च मुंबई इंडियन्स नै गुजरात टाइटंस गी 20 रंजें कन्नै हराइयै क्वालीफायर-2 च थाहर बनाई लेई ऐ। पैहले बल्लेबाजी करदे होई मुंबई इंडियन्स नै तैह् 20एं ओवरें च 5 विकेटें दे नुक्सान च 228 रंज बनाए। परते च गुजरात टाइटंस 6 विकेटां मोआइयै 208 रंज गै बनाई सकी। इस जित्त कन्नै मुंबई इंडियन्स क्वालीफायर-2 च पुज्जी गई ऐ ते ओहदे खिताब जित्तने दियां मेदां बरकरार न। दूई बक्ख गुजरात टाइटंस शानदार प्रदर्शन दे बावजूद प्रतियोगिता शा बाहर होई गई ऐ।

<><><><><><>